

Zahvala pripada Allahu, neka su mir i salavat na Allahovog Poslanika, na njegovu porodicu, ashabe i one koji ih slijede, a zatim.

Žena muslimanka zauzima počasno mjesto u islamu, ono šta je za nju najpreče jeste da maksimalno pazi da se ispravno šerijatski zaštiti od onoga šta je zabranjeno, pa joj je Uzvišeni Allah naredio da stavi veo i da se pokrije od muškaraca stranaca i sačuva svoju čast kako ne bi počinila grijeh (zlo). Allah ﷻ je učinio da ovo pokrivanje ima uvjete koji svi zajedno moraju biti ispunjeni kako bi hidžab bio šerijatski ispravan. Pa ako žena ne ispunji ove uslove njen hidžab nije šerijatski ispravan i Allah ﷻ nije zadovoljan njime. Pa koji su to uslovi za hidžab žene muslimanke?

Uslovi (svojstva) šerijatskog hidžaba za muslimanku - kako 'ulema pojašnjava - ima ih osam uslova:

1. Da bude gust (debeo) da se ne vidi šta je ispod njega: rekao je Allahov Poslanik ﷺ: "Dvije vrste ljudi biti će stanovnici Džehennema i ja ih više neću vidjeti: ljudi – silnici, u čijim su rukama bičevi poput kravljih repova, kojima tuku druge; žene koje nose prozirnu odjeću kao da su gole, pa okreću lica od Allahovi zapovjedi i sklone su zlim djelima, a glave su im kao grba kod deva. Takve žene neće u Džennet, niti će osjetiti njegov miris. A miris Dženneta se osjeća na tolikoj i tolikoj udaljenosti." [Bilježi Muslim]. Rekao je En-Nevevi: "Ovaj hadis je od mu'džiza poslanstva, zaista su se ove dvije skupine ili vrste pojavile i one su danas prisutne. U hadisu ove dvije skupine su spomenute ponižene, a riječ pokrivene a

otkrivene, što znači da nešto od tijela pokriju, a nešto otkriju, rečeno je da je značenje toga; oblače odjeću tanku (svijetlu) koja oslikava njihova tijela." [Šerh Sahih Muslim].

2. Da bude širok (prostran, da nije tijesan): dokaz da hidžab mora biti širok je hadis kojeg bilježi Ahmed od Usame ibn Zejda ؓ u kojem je došlo da mu je Allahov Poslanik ﷺ dao odjeću (*kuptijja*) iz Egipta koju je njemu poklonio Dihja el Kelbi pa ju je Usama dao svojoj ženi. Kada je to saznao Poslanik ﷺ rekao mu je: "Naredi joj nek oblači ispod te odjeće odjeću (*gilale*) koja je uz tijelo, ja se bojim da će joj (ta odjeća) oslikavati njenu figuru." [Bilježi Ahmed, a Arnaut kaže da je hasen]. A *kuptijja* je vrsta odjeće koju su nosili Kopti u Egiptu, a *gilale* je odjeća što se oblači ispod odjeće. Rekao je Eš-Ševkani: "Hadis ukazuje na to da žena mora pokriti svoje tijelo sa odjećom koja je ne ocrtava i to je uvjet pokrivanja 'avreta." [Nejlul-Evtar].

3. Da prekriva cijelo tijelo, od toga i lice i šake: Uzvišeni Allah je rekao: {O Vjerovjesniče, reci ženama svojim, i kćerima svojim, i ženama vjernika neka spuste haljine svoje niza se. Tako će se najlakše prepoznati pa neće napastvovane biti. A Allah prašta i samilostan je.} [El Ahzab: 59]. U ovom ajetu je Allah ﷻ naredio Svome Poslaniku ﷺ da naredi ženama općenito, počevši od njegovih žena i kćerki zbog njihove časti i jer je na njima preče da to ispune, da pokriju svoja lica od vrha glave sa ogrtačem - džilbabom. Džilbab je ogrtač koji se oblači na odjeću kao što je odijelo, mahrama, veo ili jašmak i drugo od moderne odjeće. [Tefsir Ibn Kesir].

4. Da ne bude luksuzna odjeća (prepoznatljiva): rekao je Allahov Poslanik ﷺ: "Ko bude oblačio neuobičajeno luksuznu odjeću, Allah će mu na Sudnjem danu obući sličnu. Zatim će u njoj plamtiti u džehennemskoj vatri." [Bilježe Ebu Davud i drugi, a El Munziri je rekao da je hasen]. Ono što se misli pod luksuznom odjećom je da je to odjeća koja izaziva čuđenje ili divljenje kod ljudi. Drugim riječima, to je odjeća koju njen vlasnik izloži radi hvaljenja i kako bi ljudi u čuđenju pričali o boji te odjeće i njenom izgledu ili o načinu njenog šivanja. Luksuzna odjeća se razlikuje od vremena do vremena i od mjesta do mjesta. To je odjeća koja se upotrebljava u jednoj državi, a ne postoji ista takva u drugoj državi ili u drugoj tradiciji.

5. Da ne sliči odjeći kafirki: pa onaj ko razumije osnove vjere zna da je šerijatska odjeća kontradiktorna odjeći kafira i mušrika, ova osnova je čvrsto potvrđena u Knjizi i ispravnom Sunnetu, a od toga je i govor Poslanika ﷺ kada je ugledao 'Abdullaha ibn 'Amra ibn el 'Asa ؓ dok je nosio dvije žute haljinke obojene šafranom, rekao mu je: "Takvu odjeću nose nevjernici pa je nemoj i ti oblačiti!" [Bilježi Muslim]. A od odjeće kafirki današnjeg vremena je i odjeća kršćanki, židovkinja, sekularistkinja i mušrikinja.

6. Da ne sliči odjeći muškaraca: od Ebu Hurejre ؓ je rekao: "Allahov Poslanik ﷺ je prokleo čovjeka koji oblači žensku odjeću i ženu koja oblači mušku odjeću." [Bilježe Ebu Davud i drugi, a Eš-Ševkani je rekao da je sahih, kao i El Hakim i Ez-Zehebi]. Allahov Poslanik ﷺ je rekao: "Nije od nas onaj muškarac koji oponaša žene niti ona žena koja oponaša

muškarce." [Bilježi Ahmed, a Arnaut je rekao da je sahih].

7. Da ne bude ukrašena odjeća koja privlači poglede: rekao je Uzvišeni Allah: {Neka ne dozvole da se od ukrasa njihovih vidi išta} [En-Nur: 31]. I rekao je Uzvišeni: {I ljepotu svoju, kao u davno džahilijetsko doba, ne pokazujte} [El Ahzab: 33]. Allahov Poslanik ﷺ je rekao: "Troje neće biti pitano (na Sudnjem danu): "Čovjek koji je napustio džema'at, bio nepokoran svome imamu i umro kao grijешnik (na tome), robinja ili rob koji napusti svog vlasnika pa umre, te žena koja otiđe od muža, a on joj je dao ono što joj pripada od dunjaluka, pa se otkrije nakon njega." [Bilježi Ahmed, a El Hejsami i Arnaut su rekli da je sahih]. Pa ako ženin hidžab u suštini bude ukrašen, to se ne može nazvati hidžabom jer suština šerijatskog hidžaba jeste zabrana pokazivanja ukrasa strancima. Znači, hidžab sam po sebi ne smije biti ukrašen! Stoga, čedna muslimanka koja želi da ispuni ovaj uvjet treba da pogleda svoju odjeću da ne bude imalo ukrašena i da boja njene odjeće ne privlači poglede muškaraca.

8. Da ne bude namirisana: rekao je Allahov Poslanik ﷺ: "Koja se god žena namiriše pa prođe pored ljudi tako da osjete njen miris, bludnica je." [Bilježe En-Nesai i drugi, a Et-Tirmizi je rekao da je hadis hasen-sahih]. Allahov Poslanik ﷺ je također rekao: "Kada neka od vas (žena) želi krenuti u mesdžid, neka se ne približava mirisu." [Bilježi Ahmed, a Arnaut je rekao da je sahih]. Rekao je Ibn Dakik el 'Id: "U ovom hadisu se nalazi zabrana mirisa za ženu koja krene u mesdžid, zbog toga što mirisom može izazvati požude kod muškaraca." [Fejd el Kadis lil-Menavi].

Za sestru muslimanku: ovdje su uvjeti za tvoj šerijatski hidžab koje moraš ispunjavati i koji ti ne dozvoljavaju da se otkriješ pred muškarcima strancima, a to su svi muškarci osim mahrema, a mahremi su oni koje je spomenuo Uzvišeni Allah u suri En-Nur, 31. ajet gdje je rekao: {To mogu samo muževima svojim, ili očevima svojim, ili očevima muževa svojih, ili sinovima svojim, ili sinovima muževa svojih, ili braći svojoj, ili sinovima braće svoje, ili sinovima sestara svojih, ili prijateljicama svojim, ili robinjama svojim, ili muškarcima kojima nisu potrebne žene, ili djeci koja još ne znaju koja su stidna mjesta žena}. Tako da, o sestro časna, tvoj mahrem nije brat tvog muža, niti sin tvog strica (ujaka), niti sin tetka, kao ni drugi od tvojih rođaka. Stoga, dobro se pazi da se ne otkriješ pred njima, jer Allahov Poslanik ﷺ je rekao: "Čuvajte se ulaska kod žena! Jedan od ensarija upita: 'A šta kažeš za *hamvu* (djever i muška rodbina sa muževe strane izuzev oca) Allahov Poslaniče? *El Hamvu* je smrt!', odgovori on." [Muttefekun 'alejhi]. Rekao je En-Nevevi u vezi djevera: "Njegovo značenje je da je strah (za bratovu ženu) od djevera veći nego od nekog drugog i da se loše djelo može očekivati od njega, on je veća fitna za nju za razliku od nekog drugog muškarca stranca jer može lahko doći do nje i osamiti se sa njom a da se tome ne prigovori." [Šerh En-Nevevi 'ala Muslim].

Allahu sačuvaj žene muslimanke i podari im čast i čednost. Neka su mir i salavat na našeg Poslanika, njegovu porodicu i ashabe.

SVOJSTVA Šerijatskog hidžaba

za ženu muslimanku

